

laburrean

■ Jose Antonio Ardanza operatu behar izan dute

Jose Antonio Ardanza lehendakaria aste honetan ospitalera eraman behar izan dute dituen herniak direla medio. Hasiera batean operatu beharrik ez zuela izango plazaratu bazen ere, atzo Efe berri agentziak zabaldu zuenez, asteburu honetan ebakuntza egingo diote, hori baita osatzeko duen modu bakarra. Agentziak ez zuen zehazten, ordea, ebakuntza atzo egin ote zioten edo gaur egingo dioten. Medikuek diotenez, ebakuntza egin eta gero Ardanza astebetaz egon beharko da ospitalean, eta gero beste astebete beharko du erabat osatzeko. Jose Antonio Ardanza osasun egoeraren berri izateko astelehenean kaleratuko dute parteak. X

■ Juan Luis Camarero espetxeratu egin dute

Juan Luis Camarero Ostegunean Mexikotik kanporatua izan zen errefuxiatua Carabanchelgo espetxean sartu dute epailearen aginduz. Camarareri 1995ean sei urteko espetxe zigorra ezarri zioten Ander Susaeta ertzainaren aurkako jipoian parte hartu zuelako, eta epaileak espetxeratzea agindu du jarri zioten zigorra bete dezan. Mexikotik kanporatuak izan ziren beste bi errefuxiatuak, Iñigo Azkue eta Pedro Mari Zelarain, berriz, bihar eramango dituzte Entzutegi Nazionalako Ismael Moreno epailearen aurrera, hiru egun poliziaren esku inkomunikatuta eman ostean. X

■ Hiru banketxeri eraso diete molotov koktelen bidez Billabonan

Burua estalita zuten hainbat pertsonak Billabonako (Gipuzkoa) hiru banketxeri eta ONCE erakundeko kiosko bati eraso diete molotov koktelen bidez. Kalte handienak Banco Guipuzcoanoren egoitzak jasan zituen suteak barrukaldean eragina izan baitzuen. Kutxa eta Banco de Santander banketxeetan, berriz, kutxazain automatikoak izan ziren kalteak jasan zituztenak. ONCE elkartearen kioskoak ez zuen kalte handirik izan. Vasco Press agentziaren arabera molotov koktelak kioskoaren ondoan hartu zuten su, baina Ertzaintzaren parte hartzearen bidez kioskoa ez erretzea lortu zen. X

■ Omenaldia egin diote German Rodriguez

Ehundaka lagun bildu ziren atzo arratsaldean Iruñeko Labrit pilotalekuan German Rodriguez, duela hogeitau urteko Sanferminetan Polizia Nazionalak tiroz hil zuen iruindarraren omenaldian. Peñek eta beste hainbat taldeek antolatutako ekitaldia bideo baten emanaldia-rekin hasi zen. Labritera bertarutakoek 1978ko Sanferminetako giroa ezagutu zuten talde, kaletar eta politikari batzuen iritzia eta orduko gertakarien argazkiak ikusi zituzten. Ondoren, Miren Egaña, HBko Mahai Nazional kide ohiak Germanen hilketari argitzeko eta errudunak nor diren jakiteko horretarako sortu den batzordeak egindako lana gogoratu zuen. Bertan izan ziren ere Germanen familia eta lagunak ere. Antolatzaileek Sanferminetan Germanen alde egiten den omenaldia eta manifestaziora egin zuten eta txalapartaren doinuak eman zion amaiera ekitaldiari. X




German Rodriguez atzo eginiko omenaldiaren irudia.

OSKAR MONTERO

Lizarbe izango da PSNren hautagaia Lehendakaritzarako

Aurrikuspenak betez, erraz nagusitu zitzaion Lola Egureni

Nafarroako sozialistek badute hautagaia datorren urteko ekainean egingo diren Nafarroako Gobernua osatzeko hauteskundeetarako. Bi mila afiliatu paseak zeuden deituta atzoko primarioetan, eta egun osoan iraun zuen bozketaren ondoren joan den urteko abenduko kongresuaz geroztik idazkari nagusi den Juan Jose Lizarbe hautatu zuten afiliatuek. Botoen bi herenak, % 63,4, lortu zituen Lizarbek eta beste herena, % 32,3, Eguren Parlamentuko lehendakariak.



Juan Jose Lizarbe PSNko idazkari nagusia atzoko hauteskundeetan botoa ematen.

CRISTINA ABADIA / EFE

Sinadura / Herria

PARTE HARTZEA %62,5eko izan duten primarioak Nafarroako Alderdi Sozialistak, PSNk, eratu dituen lehenak izan dira. Lizarbe Nafarroako ia herri guztietan nagusitu zen; Iruñean 204 boto lortu zituen, Eguren 68 lortu zituen bitartean. Tuteran ere erraz nagusitu zen idazkari nagusia 25-8. Lizarbek 1.104 boto bildu zituen, Eguren 563 eta Urizek 53.

Tafallan bi hautagaien arteko aldea txikiagoa izan zen, 28-14, Lizarberen alde. Beste horrenbeste gertatu zen Lizarran: 27

Lizarberen alde eta 9 Egurenen alde. Azken hautagai honek oso herri esanguratsu gutxitan irabazi du: Altsasu, Burlata eta San Adrian. Herri horretan erabatekoa izan da Parlamentuko lehendakariaren nagusitasuna, 60-30.

Hirugarren hautagaiak, Jose Luis Urizek, oso boto testimoialak jaso ditu, % 3. Azken hautagai honek irabazi duen herri bakarra bere jaioterria izan da: Atarrabia.

Botoen kontaketa bukatu bezain laster mintzatu zitzaion Lizarbe irabazlea PSNren egoitzan bildutakoek. Primarioen prozesuan parte hartutako guztiei

eman zizkien eskerrak eta datorren urteko ekaineko hauteskundeetarako indarrak biltzeko deia egin zuen. Beste bi hautagaiek ere batasunerako deia egin zuten emaitzak ezagutuz. Eguren hemendik aurrera lehendakariak bakarra izango dela gogoratu zuen eta alderdiko kide guztiei emaitzak onartu eta hautagaiaren alde lan egitea eskatu zien.

Alderdiko afiliatuei hitza emanaz, hauteskunde primarioekin bukatu egin da, ofizialki behintzat, PSNren barruan lehia gogorrean ari ziren bi sektoreen arteko borroka agerikoa. X

EAJk zehaztu ditu hauteskunde zerrendak

■ Ibarretxe, Atutxa eta Egibar izango dira hiru probintzietako zerrendaburuak

Erredakzioa / Bilbo

EUZKO Alderdi Jeltzalearen Batzar Nagusia herenegun gauean bildu zen Sanbin Etxean datorren urriko hauteskundeetako hautagaiak aukeratzeko eta EBBk aurkeztutako zerrendak ontzat eman zituen, barne prozesu luze eta konplexu baten ondoren. Zerrendaburuak aurreko batzarrean zehaztuta gelditu ziren: Araban Juan Jose Ibarretxe (lehendakariagaia), Bizkaian Juan Maria Atutxa (Legebiltzarreko lehendakariagaia), eta Gipuzkoan Joseba Egibar.

Lurralde bakoitzeko zerrenda 25 hautagaik osatzen dute, hori baita aukeratu behar den parla-

mentario kopurua hautes-barruti bakoitzean. Egund EAJk Arabako sei parlamentario ditu, beraz eskainua lortzeko aukera izango duten hautagaiak zerrendako lehen seiak izango dira: Juan Jose Ibarretxe, Juan Maria Ollora, Javier Gebara, Iñaki Gerenebarrena, Alvaro Amann eta Estefania Beltran de Heredia. Ondorengo hiru tokietan Covadonga Solaguren, Iñaki Nafarrate, eta Yolanda Sangroniz daude. Antonio Aiz Laudioko alkate ohi eta egun parlamentarioa azkenean 12. tokian joango da.

Bizkaian, EAJk 10 eskainu ditu gaur egun. Hona hemen, Bizkaiko zerrendako lehen hamarrak: Juan Maria Atutxa,

Jose Antonio Rubalkaba, Izaskun Bilbao, Iñigo Urkullu, Belen Greaves, Txomin Aurrekoetxea, Xabier Ormaetxea, Elixabete Piñol, Karmelo Sainz de la Maza eta Jose Maria Zorrilla. Eskainuaren atarian Mikel Arraibi, eta Ana Madariaga izango dira.

Gipuzkoan EAJk 6 parlamentario ditu. Emaitzak errepikatuz gero honako hautagai hauek lortuko lukete eskainuak: Joseba Egibar, Joseba Arregi, Gemma Gonzalez Txabarri, Juan Mari Juaristi, Nuria Lopez de Gereñu, eta Rafael Uribarren. Ondorengo tokietan Markel Olano, Zorione Etxezarraga, Patxi Baztarrika (EUEko buruzagi ohi) eta Luis Alberto Aranbarri Amatiño. X

EUSKO JAURLARITZA

HEZKUNTZA,
UNIBERTSITATE
ETA IKERKETA SAILA

GOBIERNO VASCO

DEPARTAMENTO DE
EDUCACION, UNIVERSIDADES
E INVESTIGACION

1998/99 IKASTURTE HASIERAKO ESLEIPENA

Uztailaren 1etik 17ra arte (egun bi barne) esleipen prozesuetan parte hartzen duten irakasleek hurrengo hau eskatu ahal izango dute:

haur hezkuntza / lehen hezkuntza / dbh (1 zikloa)

- Borondatezko Autodesplazamendua.
- Egokitzapenik ez duten lanpostuetara finkatzeari uko egitea.
- Berehalako derrigortasuna duten 1 HEeko lanposturik hutsik dauden bitartean, berehalako derrigortasuna duten 2 HEeko lanpostuetara finkatzeari IGAdunen uko egitea.

bigarren hezkuntza

- Borondatezko Autodesplazamendua.
- 2. HEko lanpostuetan aritzeko IGAdunen aukera.